

SCRIPTA

Numéro Scripta : 2488

Auteur(s) : Martin Hairon, de Flottemanville [particulier]

Bénéficiaire(s) : Coutances (hôpital-Dieu)

Genre d'acte : notice

Authenticité : non suspect

Datation : 1274, mai

Action juridique : vente

Langue du texte : latin

Analyse

Martin Hairon et Guillaume, son frère, de Flottemanville, vendent à l'Hôtel-Dieu de Coutances, pour trente sous tournois, une rente de deux boisseaux de froment dans ladite paroisse.

Tableau de la tradition

Éditions principales

a. Le Cacheux Paul, *Essai historique sur l'Hôtel-Dieu de Coutances*, l'hôpital-général et les Augustines hospitalières depuis l'origine jusqu'à la Révolution avec cartulaire général, Paris, Picard, 1895-1899, 2 vol., t. 2, n° LXXXIX, p. 76.

Texte établi d'après a

Sciant omnes presentes et futuri quod, nos Martinus Hairon et Guillelmus Hairon, fratres, de parrochia de Flotemanvilla, vendidimus, concessimus ac in perpetuum dimisimus, assensu unanimi, priori et fratribus domus Dei Constanciensis, videlicet duos bussellos frumenti annui redditus, ad mensuram dicte ville de Flotemanvilla, quem redditum nobis debebat et reddebat annuatim Rogerus Guesdon, super una acra terre vel eocirca, sitta in dicta parrochia apud l'Essart Hayron, inter terram Guillelmi de Pratis ex uno lattere et terram relicte Ricardi Sirot ex alio lattere, et buttat ex uno capite ad cheminum Perré et ex alio capite super pratis ; habendum, tenendum et percipiendum de cetero in perpetuum dictum redditum, priori et fratribus et eorum successoribus, annuatim ad festum Sancti Michaelis, per manum dicti Rogeri Guesdon et heredum suorum, seu quorumcumque predictam terram tenentium, sine contradictione et reclamatione aliqua de cetero nostri et heredum nostrorum facienda. Poterunt etiam dicti prior et fratres ac successores eorundem, seu eorum attornatus, in predicta terra, pro predicto reddito, singulis annis suam plenariam justiciam exercere, nisi ad predictum terminum eisdem annuatim libere redderetur. Et nos predicti Martinus et Guillelmus et heredes nostri tenemur dictis priori et fratribus et eorum successoribus dictum redditum garantizare et deliberare et omnino acquitare versus omnes, vel alibi in nostro proprio hereditagio valore ad valorem excambiare competenter, si forte garantizare non possemus. Hec autem juravimus, tactis sacrosanctis evangeliis, nos fideliter servaturos et quod contra de cetero non veniemus ullo modo. Pro hac venditione, concessione et dimissione taliter a nobis facta, dicti prior et fratres de bonis dicte domus triginta solidos turonensium nobis pre manibus condonaverunt et persolverunt in pecunia numerata. In cujus rei testimonium perpetuum et munimen, presentem cartam sigillorum nostrorum munimine dignum duximus roborandum. Actum est hoc anno gratie M° CC° septuagesimo quarto, mense Maii.